



*Tsoom Kav Tswj ntawm
Cov Neeg Ntseeg Siab*

*Michelle Rivas
Tuam Thawj Coj*

*Michael Baker
Lwm Thawj Coj*

*Christine Jefferson
Tus Neeg Saib Xyuas
Ntaub Ntawv*

*Bob Bastian
Tus Neeg Hauv Pawg*

*Basim Elkarra
Tus Neeg Hauv Pawg*

*Linda Fowler, J.D.
Tus Neeg Hauv Pawg*

*Rebecca Sandoval
Tus Neeg Hauv Pawg*

*Tuam Thawj Tswj
Steve Martinez, Ed.D.*

*Txhawb txhua tus me
nyuam kom muaj txoj kev
ntshaw los ua tau yam zoo
tshaj plaws txhua hnuv*

Kaum-Ib Hlis Ntuj 12, 2021

Rau Cov Neeg Ua Haujlwm thiab peb Twin Rivers Tsevkawm lub Zej Zog,

Tam li uas kuv rov qab tuaj ua haujlwm tom qab hnuv so Hnuv ntawm Qub Tubrog (Veterans Day), Kuv pom kuv tus kheej tseem xav ntsoov txog tagnrho txhua tus ntawm peb cov niam txiv, cov neeg ua haujlwm, cov tub ntshais kawmntawv dhau los thiab lub zej zog cov tibneeg uas tau ua haujlwm dhau los thiab tab tom ua haujlwm tam sim no hauv fab kev tubrog. Kuv yeej hais tsis txawj tag hais txog ntawm lawv txoj kev rau siab rau ntawm lub luag dejnum thiab cov kev uas lawv tau tso tseg los ua txoj dejnum no thiab tseem los ua tau rau peb txhua leej txhua tus. Qee tus ntawm peb cov tub ntshais kawmntawv dhau los uas tau mus ua tubrog tau kawm rau hauv peb cov kooshaum tus phiajxwm Junior Reserve Officers' Training Corps (JROTC) hauv Grant, Highlands, Pacific thiab Rio Linda high schools. JROTC pab cov tub ntshais kawm uas muaj kev ntshaw los ua tau, cuag, lawv lub homphiaj mus koom rau hauv fab kev tubrog. Cov menyuam kawmntawv uas koom rau JROTC tsis yog ib qho uas tseev kom lawv nkag mus ua tubrog tom qab tsevkawm them siab, high school. Tus phiajxwm no kuj pab cov tub ntshais kawm tsim lawv qhov peevxwm rau kev ua pejxeem zoo, kev ua coj, txhim kho tus xeebceem thiab ua haujlwm pab rau lub zej zog.

Nws yog ib qho uas xav deb tshaj ntawm tus kheej los mus sawv tuaj thiab los koom tiv thaiv yus lub tebchaws, thiab Hnuv ntawm Qub Tubrog (Veterans Day) yog ib lub caij rau peb muab peb cov kev fwm txog tuaj rau cov uas tau muab lawv tus kheej los ua qhov dejnum no. Rau ib hnuv, peb lub tebchaws sawv los moj them nqag kab rau txoj kev fwm txog peb cov qub tubrog. Tam li yog ib lub tuamtxhab tswj kev kawmntawv, Kuv yuav tsum los nrog pab qhia tuaj rau nej paub mi ntsis txog qhov keebkwm ntawm lub tebchaws hnuv so ntawm no. Hnuv Qub Tubrog (Veterans Day) tau pib tam li yog ib hnuv nco txog cov neeg sawmseej (heroism) uas tau tuag los tiv thaiv peb lub tebchaws nyob rau ntu Ntiajteb Tsovrog Thawj Zaug. Hnuv ntawd ua ntej muaj lub npe hu ua Armistice Day uas yog nws poob rau lub Kaum-Ib Hlis Ntuj 11, hnuv txhua xyoo ntawm qhov kev kos npe ntawm txoj cog lus xaus kev sib tau ua rog uas thiaj li xaus Ntiajteb Tsovrog I. Hauv xyoo 1954 hnuv so ntawd kuj tau raug hloov npe mus ua "Veterans Day" kom thiaj li fwm tau tagnrho cov qub tugrog uas tau pab peb lub tebchaws yav dhau los.

Ib Puag Ncig ntawm TR

Liamtiam Thanksgiving– Hnuv so uas zoo zoo ntawm no, uas sau lub cuabyig thiab cov phoojywg sawvdaws los uake, nyob ze ze ib puag ncig ntawm ceskaum lawm xwb. Kuv vam hais tias tagnrho nej sawvdaws yuav yuav npaj tuav lossis yuav mus koom ib lub rooj noj mov loj uas muaj kev ua tau yam zoo zoo ntawm nej haivneeg thiab muaj kev lomzem xov npos. Tom qab uas tau dhau ib xyoo ntawm kev nyob sib nrug, social distancing, Thanksgiving ntawm xyoo no yuav yog ib qho uas muaj txiajntsim heev.

Peb muaj ib liamtiam ntxiv ua ntej ntu yuav los so uas yog qhov peb tsimnyog tau, thiab thoobplaws ntawm lub Koog Tsevkawm peb yuav tsis khoom kiag li nrog ntau cov kev khiav haujlwm tseemceeb.

- Tsevkawm Theem Pib Cov Qib Kawm – Tam li kuv tau qhia txog rau hauv kuv tsabntawv lub Kaum-Ib Ntuj tim 5, peb cov tsevkawm theem pib cov xibfwb yuav sib ntsib nrog cov niam txiv los sib sablaj txog tus menyuam kawmntawv kawm txog twg lawm. Cov no yog ib co kev sib sablaj uas tseemceeb heev hais txog tus menyuam kawm txoj kev kawmntawv cov haujlwm, kev ua neej thiab ntawm kev siab ntsws kev xav loj hlob lidas lawm thiab cov tswvyim los tsim cov kev sib raugzoo ua haujlwm sib pab uake tom tsevkawm thiab nram tsev. *Cov niam txiv, thov nej nrog xam pom xav ua ntej txog cov lus nug uas nej xav nug rau nej tus xibfwb es nej thiaj li totaub txog nej tus menyuam kawmntawv ho kawm tau mus zoo lidas hauv tsevkawm lawm. Yog hais tias lawv muaj cov chaw kev kawm uas lawv yuav tsum mob siab rau lossis txhim kho lawv tus cwjpw kom zoo ntxiv, thov ua twb zoo los nug lawv cov xibfwb seb koj yuav ua tau dabtsi nram tsev los nrog pab koj tus menyuam kawmntawv rau cov chaw kev kawm ntawd thaum nyob hauv chaw qhia ntawv.*

- Tsevkawm Theem Ob Cov Qib Kawm – Hauv peb cov tsevkawm theem nrab thiab theem siab, peb cov neeg txawj ntawv tab tom koom dagzog ua haujlwm uake los rov saib xyuas menyuum kawmntawv qhov kev kawm ntawv txog twg lawm thiab ua haujlwm los tsim cov kev txhawb nqa tsimnyog los pab tagnrho cov tub ntxhais kawmntawv kom lawv muaj siab koom thiab muaj tau kev vammeej. Peb tab tom ua twb zoo tsom ntsoov rau ntawm txoj kev xyuas kom meej hais tias tagnrho peb cov tub ntxhais kawmntawv yeej nyob rau ntawm txoj kab taug los mus kawm ntawv tiav ntawm tsevkawm theem siab, high school. *Cov niam txiv, peb thov txhawb dejsiab dejntsws tuaj rau nej kom nej los nug nej cov menyuum kawmntawv seb lawv ho kawm ntawv tau mus zoo licas lawm hauv tsevkawm. “Koj tab tom kawm txog dabtsi?” “Koj mloog li koj puas yuav kawm tau qhov kev kawm ntawd?” “Yog hais tias koj xav tau kev pab ntxiv, koj puas paub mus nrhiav qhov kev pab raws li qhov koj xav tau?” Qhia rau nej cov menyuum kawmntawv paub hais tias nej muaj cov homphiaj tibyam li peb cov thiab uas yog los saib xyuas hais tias cov menyuum kawm nyob rau hauv ib txoj hau kev taug mus kawm tiav ntawm tsevkawm theem siab, yuav pab peb ua haujlwm zoo tshaj ntxiv thiab muaj kuab dua nrog cov menyuum kawmntawv thaum lawv tuaj tom tsevkawm.*

Cov Vajtse Los Txhawb Nqa Kev Zoo Tshaj Plaws – Kuv muaj kev xaus siab heev los qhia tuaj rau nej paub hais tias peb tab tom yuav ua ntev peb lub tswvyim kev npaj ntev xyoo tom ntej ntawm cov vajtse (long-range facilities master plan), uas nws nthuav qhia muaj qeb muaj theem, ib qho zuj zus ntawm cov haujlwm loj tseemceeb ua ntej txhua yam uas yuav coj los nqes tes ua rau peb cov tsevkawm thiab cov chav qhia ntawv. Tsoom Kav Tswj ntawm Kev Kawmntawv twb tau txais ib co ntaubntawv nyob lub limtiam ntawm no uas nthuav qhia txog plaub lub luag haujlwm tseemceeb ua ntej txhua yam ntawm txoj kev mob siab rau ntawm peb cov vajtse, uas yog tawm tswvyim los ntawm ntau cov rooj sibtham uas peb tau muaj nrog cov neeg ua haujlwm thiab lub zej zog cov tibneeg.

Cov haujlwm loj tseemceeb ua ntej txhua yam uas twb tau ua tiav lossis tab tom nyob rau txoj kev ua xam nrog xws li ru tsev, hloov/kho tshiab cov tshuab cua kub thiab txias, HVAC, cov txheej txheem kev sib txuas lus (intercoms communication systems), xov lajkab, hloov/kho tshiab cov chavdej, cov tswb caws hluav taws (fire alarms) thiab teeb, cov chaw ua si thiab ntau yam ntxiv. Cov haujlwm loj uas yuav muaj ua rau tom ntej no muaj nrog xws li cov kev kho thiab cov kev hloov tshiab es peb thiaj li npaj tau txhij los cuag cov kev xav tau ntawm pre-school thiab transitional kindergarten, qhov kev ua tiav hlo ntawm ib lub tsevkawm K-8 nyob rau ntawm Northlake, cov chaw thaiv tiv tshav tiv nag rau lub caij noj sus nyob thoob plaws lub Koog Tsevkawm thiab cov chaw haus dej, uas yog cov tub ntxhais kawm puavleej ntim tau dej haus rau hauv lawv lub taub uas yog dej tshiab thiab lim lawm.

Kuv xav ua tsaug rau pawg Tsoom Kav Tswj ntawm Kev Kawmntawv rau lawv txoj kev ua twb zoo mloog uas lawv muaj rau ntawm peb cov tsev kawmntawv cov vajtse cov kev xav tau. Ib lub Tswvyim Kev Npaj rau Vajtse (Facility Master Plan) muaj ib daim duab qhia txoj hau kev taug mus rau ntev xyoo tom ntej rau cov koog tsevkawm los tswj saib xyuas cov vajtse kom zoo thaum lub xeev thiab zej zog cov pob nyiaj kev pab muaj rau siv. Peb pawg Tsom Kav Tswj paub hais tias txoj kev nyabxeeb, txoj kev noj qab haus huv thiab cov chav qhia ntawv kajsiab lus yeej ua qhov txawv tau los pab tau peb cov xibfwb thiab cov menyuum kawm. Tshwjxeeb tshaj yog ua tsaug rau peb cov pabpawg tswj Fab Kev Saibxyuas Vajtse thiab peb cov tuamtxhab uas peb tau ua haujlwm uake nrog rau lawv txoj kev mob siab dagzog uas muaj zog los pab nqes tes kho tau ntau yam kev hloov thiab kho tshiab uas tau hais los saud.

Tagnrho rau qhov zoo tshaj plaws,



Steve Martinez, Ed.D.
Tuam Thawj Tswj, Twin Rivers Unified